

ოქმი N 14

ხოზის მუნიციპალიტეტის მეხუთე მოწვევის საკრებულოს იურიდიულ, სამანდატო-საპროცედურო და ეთიკის კომისიის სხდომისა

ქ. ხოზი

26 აგვისტო 2022 წელი

სხდომას ესწრებოდნენ კომისიის წევრები:

1. მედეა თათარიშვილი
2. გოჩა ქაჯაია
3. გიორგი გვასალია
4. გივი ლატარია
5. აკაკი ხურცილავა
6. მზია ლემონჯარია
7. მაკა ჩარტია

სხდომას თავმჯდომარეობდა მედეა თათარიშვილი - კომისიის თავმჯდომარე

დღის წესრიგი:

1. ხოზის მუნიციპალიტეტის საკრებულოს აპარატის უფროსის ლ. შამათავას 2022 წლის 15 აგვისტოს N 51-51222274 მოხსენებითი ბარათის განხილვა.

(მომხსენებელი: მ. თათარიშვილი - ხოზის მუნიციპალიტეტის საკრებულოს იურიდიულ, სამანდატო - საპროცედურო და ეთიკის კომისიის თავმჯდომარე)

2. სსიპ ილია ქვარცხავას სახელობის ხოზის მუნიციპალიტეტის სოფელ საჯიჯაოს N2 საჯარო სკოლის დირექტორის მ.შ იზოლდა გოგოლაძის 2022 წლის 25 აგვისტოს N:06/51222373-51 წერილის განხილვა.

(მომხსენებელი: მ. თათარიშვილი - ხოზის მუნიციპალიტეტის საკრებულოს იურიდიულ, სამანდატო - საპროცედურო და ეთიკის კომისიის თავმჯდომარე);

კენჭი ეყარა დღის წესრიგის წარმოდგენილ ვარიანტს

კენჭისყრის შედეგები:

მომხრე - 7, წინააღმდეგი - არც ერთი.

დაადგინეს: დღის წესრიგი დამტკიცდეს წარმოდგენილი სახით.

დღის წესრიგით გათვალისწინებული საკითხების განხილვა

1. ხობის მუნიციპალიტეტის საკრებულოს აპარატის უფროსის ლ. შამათავას 2022 წლის 15 აგვისტოს N 51-51222274 მოხსენებითი ბარათის განხილვა.

(მომხსენებელი: მ. თათარიშვილი - ხობის მუნიციპალიტეტის საკრებულოს იურიდიულ, სამანდატო - საპროცედურო და ეთიკის კომისიის თავმჯდომარე)

მოისმინეს: მ. თათარიშვილი - მომხსენებელმა კომისიის წევრებს გააცნო საკრებულოს აპარატის უფროსის ლ. შამათავას მოხსენებითი ბარათი და განაცხადა, რომ ხობის მუნიციპალიტეტის საკრებულოს აპარატის იურიდიულ საკითხთა და საქმისწარმოების განყოფილების ადამიანური რესურსების მართვის საკითხებში პირველი კატეგორიის უფროსი სპეციალისტის პოზიციაზე გამოცხადებულ შიდა კონკურსში, კომისიის მიერ კანონით გათვალისწინებული მოთხოვნების დაცვით, შერჩეულ იქნა გ. გერგაიას კანდიდატურა. მიმდინარე წლის 22 აგვისტოდან გ. გერგაია დაინიშნა ხობის მუნიციპალიტეტის საკრებულოს აპარატის იურიდიულ საკითხთა და საქმისწარმოების განყოფილების პირველი კატეგორიის უფროსი სპეციალისტის თანამდებობაზე ადამიანური რესურსების მართვის საკითხებში. აღნიშნულიდან გამომდინარე, შეტანილ უნდა იქნეს ცვლილება „ხობის მუნიციპალიტეტის საკრებულოს თანამდებობის პირთა და საკრებულოს აპარატის პროფესიული საჯარო მოხელის თანამდებობის რანგირების, თანამდებობრივი სარგოს ოდენობის განსაზღვრისა და საკრებულოს აპარატის საშტატო ნუსხის დამტკიცების შესახებ“ ხობის მუნიციპალიტეტის საკრებულოს 2021 წლის 29 დეკემბრის N18 დადგენილებაში და გაუქმდეს ამჟამად საკრებულოს აპარატის საორგანიზაციო საკითხთა განყოფილებაში არსებული მეორე კატეგორიის უფროსი სპეციალისტის თანამდებობა.

აზრი გამოთქვას: კომისიის წევრების მხრიდან შენიშვნები არ ყოფილა

კენჭი ეყარა წარმოდგენილ წინადადებას.

კენჭისყრის შედეგები:

მომხრე: 7 ; წინააღმდეგი: არც ერთი

დაადგინეს: წარმოდგენილი დადგენილების პროექტი: „ხობის მუნიციპალიტეტის საკრებულოს თანამდებობის პირთა და საკრებულოს აპარატის პროფესიული საჯარო მოხელის თანამდებობის რანგირების, თანამდებობრივი სარგოს ოდენობის განსაზღვრისა და საკრებულოს აპარატის საშტატო ნუსხის დამტკიცების შესახებ“ ხობის მუნიციპალიტეტის საკრებულოს 2021 წლის 29 დეკემბრის N18 დადგენილებაში ცვლილების შეტანის თაობაზე“ განმარტებით ბარათთან ერთად ინიცირების წესით წარედგინოს საკრებულოს თავმჯდომარეს.

2. სსიპ ილია ქვარცხავას სახელობის ხობის მუნიციპალიტეტის სოფელ საჯიჯაოს N2 საჯარო სკოლის დირექტორის მ.შ იზოლდა გოგოლაძის 2022 წლის 27 ივლისის N 10/51222091-51 წერილის განხილვა.

(მომხსენებელი: მ. თათარიშვილი - ხობის მუნიციპალიტეტის საკრებულოს იურიდიულ, სამანდატო - საპროცედურო და ეთიკის კომისიის თავმჯდომარე);

მოისმინეს: მ. თათარიშვილი - მომხსენებელმა კომისიის წევრებს გააცნო სსიპ ხობის მუნიციპალიტეტის სოფელ საჯიჯაოს ილია ქვარცხავას სახელობის N2 საჯარო სკოლის დირექტორის მიერ საკრებულოში წარმოდგენილი სამეურვეო საბჭოს სხდომის ოქმის საფუძველზე 2022 წლის 12 აგვისტოს საკრებულოს სხდომაზე მიღებულ იქნა განკარგულება „სსიპ ხობის მუნიციპალიტეტის სოფელ გაღმა საჯიჯაოს საჯარო სკოლისთვის ილია ქვარცხავას სახელის მინიჭებაზე თანხმობის გაცემის თაობაზე“, რომელიც გადაეგზავნა სკოლის ადმინისტრაციას საქართველოს განათლებისა და მეცნიერების სამინისტროში წარსადგენად. სამინისტროდან სკოლის მიმართ გაცა რეკომენდაცია, მოთხოვნის შემდეგი სახით ჩამოყალიბების თაობაზე სსიპ ილია ქვარცხავას სახელობის ხობის მუნიციპალიტეტის სოფელ საჯიჯაოს N2 საჯარო სკოლისთვის სსიპ ილია ქვარცხავას სახელობის ხობის მუნიციპალიტეტის სოფელ გაღმა საჯიჯაოს საჯარო სკოლის სახელის მინიჭების შესახებ, რაზედაც სკოლის ადმინისტრაციის მხრიდან საკრებულოში წარმოდგენილ იქნა ახალი წინადადება. ზემო აღნიშნულის გათვალისწინებით კომისიის მიერ მომზადდა განკარგულების პროექტი „სსიპ ილია ქვარცხავას სახელობის ხობის მუნიციპალიტეტის სოფელ საჯიჯაოს N2 საჯარო სკოლისთვის სსიპ ილია ქვარცხავას სახელობის ხობის მუნიციპალიტეტის სოფელ გაღმა საჯიჯაოს საჯარო სკოლის სახელის მინიჭებაზე თანხმობის გაცემის თაობაზე“.

აზრი გამოთქვას: კომისიის წევრების მხრიდან შენიშვნები არ ყოფილა

კენჭი ეყარა წარმოდგენილ წინადადებას.

კენჭისყრის შედეგები:

მომხრე: 7 ; წინააღმდეგი: არც ერთი

დაადგინეს: წარმოდგენილი განკარგულების პროექტი: „სსიპ ილია ქვარცხავას სახელობის ხობის მუნიციპალიტეტის სოფელ საჯიჯაოს N2 საჯარო სკოლისთვის სსიპ ილია ქვარცხავას სახელობის ხობის მუნიციპალიტეტის სოფელ გაღმა საჯიჯაოს საჯარო სკოლის სახელის მინიჭებაზე თანხმობის გაცემის თაობაზე“ განმარტებით ბარათთან ერთად ინიცირების წესით წარედგინოს საკრებულოს თავმჯდომარეს.

დღის წესრიგით გათვალისწინებული საკითხების ამოწურვის შემდეგ სხდომის თავმჯდომარემ სხდომა დახურულად გამოაცხადა.

სხდომის თავმჯდომარე



მედია თათარიშვილი